

欽定大清會典圖

欽定大清會典圖卷一百六十七

輿地二十九


歸德府圖

彰德府圖

衛輝府圖

懷慶府圖

歸德府圖



This is a map of the Kanto Plain and surrounding regions, overlaid with a grid. The map shows the Tone River (Tone River) flowing from the north towards the sea. Major cities like Maebashi (前橋) and Tokyo (東京) are marked. The map is labeled with various geographical features and administrative boundaries.

歸德府在省治東二百八十里至


京師一千八百里。領州一縣八。治商邱。西甯陵。睢州。東南夏邑。永城。西南柘城。鹿邑。東北虞城。西北考城。黃河故道在考城縣南。睢州甯陵縣府治商邱縣。虞城縣北。渦河自陳州府太康縣東流入界。經鹿邑縣西北。錯入陳州府治淮甯縣界。復經縣東北。會惠濟河。河自開封府杞縣東南流入界。經睢州西北。左納杞縣之橫河水。又東南至州南。經白廟西。仲集東。又東南經柘城縣西。至治西南。張弓河上承睢州北老黃河水。


東南流經甯陵縣西南至縣東注之。又東南至鹿邑縣東與渦河會。渦河又東入安徽亳州界。古宋河二源並出府治北夾治南流合為古宋河。左納一小水。經李口東折西南。陳兩河出甯陵縣北。合何家窪河東南流。經商邱縣西。又南流來會。冀家河亦出甯陵縣西境東南流來會。又經李樓東南亦入亳州界。沙河出府治西北東流至治東北。左出一支為北岔沙河注澮河。其正渠南流至府東南芒種橋南。復左出一支為南岔沙河。與正渠並南流入亳州界。澮河出

永城縣西北經澮源集東南流大澗溝上承北
岔沙河水東南流來會又東南入安徽鳳陽府
宿州界巴溝河上游曰響河出府治東左合一
水東南流經夏邑縣西北右納白沙河左納毛
河水又東南至永城縣西北左納虬龍溝右納
歧河水為巴溝河又東南經東興集南入宿州
界苞河自安徽潁州府亳州東南流入界經永
城縣西南又東南經種麻集北新橋集南又東
入安徽潁州府渦陽縣界西洛河自淮甯縣東
流入界經鹿邑縣西南黑河出縣西南合茨河

東南流。西肥水出縣東南。谷河出縣西南。並入
安徽。潁州府太和縣界。清水河出鹿邑縣西。急
三道河出縣東南。並東南流入亳州界。府東界
江蘇。徐州府西界開封府。南界安徽。潁州府北
及東北界山東。曹州府。東南界安徽。鳳陽府。西
南界陳州府。西北界直隸大名府。

彰德府圖





彰德府在省治北三百六十里至


京師一千二百里領縣七治安陽西林縣東北臨漳東南湯陰內黃西北武安涉縣漳河二源清漳河自山西遼州東南流入界經涉縣西北賈村西合其州之源泉河水又東南經清涼村西鳳洞山東歧為二支至縣西南椿樹嶺北復合又東經韓王嶺南東南流至合漳村東濁漳河自山西潞安府黎城縣來東流經回風峪北來會是為漳河又東南經府治北其北為直隸廣平府界又東經豐樂鎮至臨漳縣南東南流經


河杜村北東流入直隸大名府大名縣界衛河
自衛輝府濬縣東北流入界經湯陰縣東內黃
縣渡村西又東北受湯河河出湯陰縣西境東
流經羑里至縣東北永通河自縣西南合李朱
渠姚村渠水東北流注之又東北至府治東南
羑河出湯陰縣西合南萬金渠新惠河東流注
之又東北舊洹河合北萬金渠中萬金渠東流
注之又東注衛河衛河又東北受洹河河亦曰
安陽河自山西潞安府黎城縣伏流至林縣西
北隆慮山復出東流至縣東北史河出縣西北

倚陽山東南流合數小水注之。折東南至縣東龍山西。又伏流至府西善應山復出。合天喜泉東北流。支渠東出為萬金渠。正渠北流左納珍珠泉馬蹄泉水。又折東至府治北安陽橋。又東支津東南出曰舊洹河。其正渠折東南注衛河。衛河又東經內黃縣北楚旺鎮東南右納永豐渠水。又東北入直隸大名府清豐縣界。南洺河出武安縣西南磨盤峽。東南流經縣南。折東北經縣東紫金山。玉帶河紫金山水合東流注之。又東北北洺河出縣西北天井峽。東南流經縣

北來會。是為洛河。又東北入直隸廣平府永年縣界。淇河出林縣東南臨淇鎮東北流經淇陽城南。浙河自山西澤州府陵川縣來東流經縣西南玉泉山北折東南流來會。又東南經湯陰縣西南入衛輝府淇縣界。隆慮山在林縣西北府東界直隸大名府。西界山西潞安府。東南至西南界衛輝府。北及東北界直隸廣平府。西北界直隸順德府山西遼州。

衛輝府圖






衛輝府在省治西北一百六十里至


京師一千四百里領縣九治汲縣東南延津封邱
東北淇縣滑縣濬縣西南新鄉獲嘉西北輝縣
黃河自懷慶府陽武縣東流經封邱縣西南又
東入開封府治祥符縣界衛河上源曰百泉即
柳刀泉出輝縣西北蘇門山南流合萬泉卓泉
蓮花泉經新鄉縣西北會小丹河河自懷慶府
修武縣來經獲嘉縣西北新河亦自其縣來合
梅竹泉東南流注之又東合北來一水經穆家
營南又經新鄉縣西北峪河出輝縣西峪河口

東南流至合河鎮注之北流河北輝縣西石門口合焦張丁公三泉水東南流經獲嘉縣東北為沙河又東南來注之又東與百泉會是為衛河衛河又東經新鄉縣駱駝店北東北流經府治彪山南至府治西孟姜女河出延津縣西北東北流注之又東北左納蒼河水經淇縣東南斷脛河出縣西東南流合趙家渠水注之又東北淇河自彰德府湯陰縣來東南流合思德河經青龍鎮東注之又東經濬縣西南新鎮北至道口北東北流經浮邱山西至縣北左納長豐

泊水。又東北經蔣坡東入彰德府安陽縣界。蘇門山在輝縣西北。大伾山在濬縣東。府東界直隸大名府。西至南界懷慶府。北及東北界彰德府。東南界開封府。西北界山西澤州府。

懷慶府圖





懷慶府在省治西北三百里至

京師一千八百里。領縣八。治河內。東武陟。西濟源。東南溫縣。原武。陽武。東北修武。西南孟縣。黃河自山西絳州垣曲縣東流。經濟源縣西南。其南為河南府新安縣界。又東經邵源關至孟縣西。其南為河南府孟津縣界。又東經白坡鎮及冶戌鎮至縣南。又東受澳河。河三源並出濟源縣西。合東流至縣東。洸水出縣西北莽山。東南流經縣北來注之。又東永利渠上承沁水分東南二支並南流注之。至孟縣北。餘濟河上承永利

渠東支及豐稔南渠水經洪道村南東南分流其西支來注之。又南經鎮水關東達於河。黃河又東南流。其南為河南府鞏縣界。北受豬龍河。河即沅水。上流為濟水。出濟源縣西北天壇太乙池。伏流至縣北復出。合潦河東流。經府治河內縣西為豬龍河。支津東出環府治。利仁河承利豐渠水來注之。又東注沁河。其正渠折東南流。利豐渠上承沁水分支為豐稔南渠來注之。又東南分支渠為通濟河。並東南流復合。經孟縣東溫縣西。右納餘濟河北支。左納豐稔北渠。

水又南達於河。黃河又東至溫縣東。東北流。其南為開封府汜水縣界。又經武陟縣西南。廣濟河亦承沁水東南流。經王順村南注之。又至陽城南。其南為開封府滎澤縣界。至縣東南受沁河。河自山西澤州府鳳臺縣東南流入界。經濟源縣北歧為廣濟永利利豐三渠水。其正渠東流經魏村南。至府治北大丹河匯。九道堰水南流注之。至府東南右納濟河。東支水又東經尚香鎮。至武陟縣西。又東經五車口北。至縣東北木欒店西。折南流達於河。黃河又東南錯入開

封府滎澤縣界。復經原武縣南。其南為開封府。鄭州界。又東錯入開封府中牟縣北。復經陽武縣東南。入其縣界。小丹河上游為丹河。亦自鳳臺縣來。經府北丹口歧為二支。西南流者曰大丹河。注沁河。其東南流者曰小丹河。經清化鎮南。左右各受數小水。又東南經武陟縣西北甯廓驛南。迤東北。經新安北。至修武縣南。折東入衛輝府獲嘉縣界。新河上游為劉公河。出修武縣西南。東北流。經縣北。左納苟泉。王母泉。大小朴泉水。又北左納鹿沙。蔣村。馬坊三泉水。又東

亦入獲嘉縣界。王屋山在濟源縣西北。府東及東北界衛輝府。西界山西絳州。南及西南界河南府。北及西北界山西澤州府。東南界開封府。

欽定大清會典圖卷一百六十八


輿地三十


河南府圖

南陽府圖

汝甯府圖

河南府圖





河南府在省治西三百八十里至


京師一千八百里領縣十治洛陽東偃師東南登
封西南宜陽嵩縣永甯東北孟津鞏縣西北新
安澠池黃河自陝州東北流經澠池縣西北其
西為山西解州平陸縣界折東其北為山西絳
州垣曲縣界又東經南村鎮至新安縣東北畛
水出縣西北疆山東北流經北冶鎮東注之其
北為懷慶府濟源縣界又東經孟津縣西北至
鐵謝鎮東南出支津夾舊縣而東復入正河又
東其北為懷慶府孟縣界又經鞏縣東北其北


為懷慶府溫縣界。受洛河。河自陝州盧氏縣東流入界。經永甯縣西。迤東北。經長甯鎮。至縣治。南又東北。經宜陽縣西南韓城鎮。西渡水出縣西北熊耳山。經聶灣。西東南流注之。又東北右納澗河。左納魚泉水。又東北右納黑澗水。至縣東北右納三泉水。左納蓼溪水。又東北經府治西南澗河上游曰穀水。自陝州來。經澠池縣境合澠水五里河澗水。又經新安縣南東南流注之。經府治南。又東瀍河出孟津縣西北任家嶺南流注之。又東經偃師縣南。伊河自陝州盧氏

縣來經嵩縣西合瀟瀟水明白河蠻峪水至縣東合高都水至府西南合江左河諸水又東北來注之又東至鞏縣西南右納羅水又北折東至縣東北右納市河及魏氏河又東北至洛口達于河黃河又東北入開封府汜水縣界汝河出嵩縣西南天息山東流經孫家店折東北至汝河鎮右納紉子河水又東北入汝州伊陽縣界白河出嵩縣西南攻離山東南流經青石槽北入南陽府南召縣界潁河出登封縣西境為右潁東流合澤餘溝中潁左潁水至縣東浩城

鎮石淙水自其北合五渡水注之。折東南入開封府禹州界。洧水出登封縣東陽城山東流入開封府密縣界。石城河出鞏縣東南東北流入開封府汜水縣界。嵩山在登封縣北。渾陸山在嵩縣東北。邙山在府治北。伊闕山在府治西南。府東及東南界開封府。西及西南界陝州。南及東南界汝州。北及東北界懷慶府。西北界山西解州絳州。西南界南陽府。

南陽府圖





南陽府在省治西南六百十里至

京師二千一百四十五里。領廳一州二縣十。治南陽。西浙川廳。西北鎮平內鄉。東南唐鄉泌陽桐柏。東北裕州南召葉縣舞陽。西南鄧州新野。白河自河南府嵩縣東南流入界。經南召縣西北。東南流右納二小水。又東南左納五路山水。至縣南留山河出縣西北合雞子河。及一水西南流注之。又南經府治北豫山東折西南至府治東。右納梅溪河水。又西南支津南出為溧河。其正渠又西南右納木溝河十二里河水。經清陽。

城東至新野縣北。東出為白河故道。其正渠又西南。右納潦河。經復興鎮。東受湍河。河出內鄉縣西北山。東南流。至縣北。左納一小水。右納長城河。螺螄河。至縣東南。左納沐河水。經鄧州西北。又東。趙河即古涅水。俗曰西十二里河。出鎮平縣北。嬌女朶山南流。合西三里河。東三里河。淇河。至州東北。合嚴陵河。注之。又東南。注白河。白河又東南。至新野縣北。右合故道水。折西南。刁河出內鄉縣西南。蕭山東南流。經鄧州南。注之。復折東南。溧河自府治南。南流。經林水驛。東


屈西南來注之。又南右納黃渠河。左納一小水。入湖北襄陽府襄陽縣界。唐河上游亦曰趙河。出裕州西北鄺鳴山。南流經趙河鋪。至賒旗店。潘河出州北七峯山。合三里河。清河。呂河。西南流注之。又南經府東唐縣東北。始曰唐河。迤西南至源潭鎮。泌水出泌陽縣東北。小銅山西南流合三小水。折西北至縣西合藻水。至唐縣東北合馬仁陂河來注之。又西南右納桐河水。至縣西南受澧河。河出桐柏縣西北胎簪山。合鴻儀河。盧家河水。經平氏。汎至唐縣東南。右納江。


河水北折而西。秋河自湖北德安府隨州來。經桐柏縣西北來注之。又折西北注唐河。唐河又西南至蒼苔鎮。亦入襄陽縣界。淮河出桐柏縣西胎簪山。東流合數小水。經縣北。折東南。左納月河水。經出山店。東入隨州界。栗樹河出縣東北。南流合數小水。入隨州界。注淮河。丹河自陝西商州商南縣東流。經淅川廳西北。其南為湖北鄖陽府鄖縣界。淇河上承其縣之摩峪河。東南流注之。折東南。經廳治西。右納鄖縣之滔河水。至廳西南入界。又東南。淅水上游曰黃沙五。

渡河。自陝州盧氏縣來。合丁河東南流注之。又東南右合一小水。入湖北襄陽府均州界。北汝河自許州襄城縣合汝州寶豐縣來之湛河。沙河。南流入界。經舞陽縣北。輝河即昆水出葉縣西。西唐山東流來注之。又東入許州郛城縣界。拐河亦出鄆鳴山。東流經葉縣南。亦曰澧河。一曰醴河。又東經舞陽縣北。與唐河並東流入郛城縣界。注北汝河。江干河上游曰賈河。出裕州北牛心山。東南分流。經梁城。復合東北流。經葉縣南。始曰江干河。復折東南。經舞陽縣南。亦曰三里。

河右納八里河水入汝甯府西平縣界為洪河
沙河出泌陽縣北黃山東合瀕水澠水又東合
北來一水經沙河店北入汝甯府遂平縣界為
南汝河夏家河出鄧州西湯山東南流入湖北
襄陽府光化縣界桐柏山在桐柏縣西南府東
界汝甯府西界湖北鄖陽府南及西南界湖北
襄陽府北界汝州東北界許州西北界河南府
陝州陝西商州東南界湖北德安府

汝甯府圖





汝甯府在省治南四百六十里至

京師二千三百里。領州一縣八。治汝陽南正陽北。上蔡東南新蔡羅山西南碓山信陽州西北遂平西平南汝河上游曰沙河自南陽府泌陽縣東流入界。經遂平縣西左納陽奉河。至縣東左納新河水。又東經上蔡縣西南。清水河出碓山縣北東北流。經遂平縣東南來注之。折南經府治北。汝河故道上承洪水自上蔡縣西北合流。堰河石羊河小沙河南流來注之。又南斷濟河。即斗河。上承碓山縣北吳桂橋河黃酉河來注。

之折東南經府治東南右納半截河水。又東南
溱河俗曰石滾河。出碓山縣西。東流合天目山
水。獅子橋河來注之。又東南至正陽縣東北。汝
南埠。右納陳家溝水。又經新蔡縣西。東流至縣
東南。會洪河。河自南陽府舞陽縣東南流入界。
經西平縣西北。折東北流。至縣東北。左納淤泥
河水。復折東南。經上蔡縣西北。左納陳州府西
華縣之洄洑河。又東南支津南出。為汝河故道。
又東南至縣東。絕蔡河而南。右納朱馬河水。又
南至府治東北。杜溝五水自上蔡縣南流合而

東來注之。東流右納荆河水。又東至廟灣鎮。茅河出上蔡縣北境。東南流。絕蔡河而南來注之。又東南至新蔡縣。與南汝河會。南汝河又東南。經練村。入光州息縣界。蔡河又名泥河。出上蔡縣西南。過杜五溝。朱馬河。洪河。茅河。亂流而東。經汝陽縣東北。入陳州府項城縣界。淮河自湖北德安府隨州東南流入界。經信陽州西北。右合其州之仙河。游河二水。至游河店東。支津東南出。為祥河。其正渠折東北。經州北明港河。出州西天目山。合尚家河。東南流注之。又東至正

陽縣西南右合祥河水。又東經縣南羅山縣北受潯河。河自隨州來。經信陽州西南九曲河。自湖北應山縣來。合譚家河。東北流注之。又東右納三灣河水。又東北注淮河。淮河又東竹竿河出縣南六斗山。經大勝關。合蘇家河。黑龍池水。小橫河東北流注之。又東入息縣界。閭河即申陂水。出碓山縣南。東流經正陽縣東南。合腫皮港水。東北流。清水港水出正陽縣南。亦東流。並入息縣界。界溝河出上蔡縣北。東流入陳州府商水縣界。府東界安徽潁州府。西及西北界南

陽府。南界湖北黃州府。北及東北界陳州府。東
南界光州。西南界湖北德安府。漢陽府。

欽定大清會典圖卷一百六十九

輿地三十一


許州圖


陝州圖

光州圖

汝州圖

許
州
圖





許州在省治西南二百五十里。至


京師一千七百九十里。領縣四。東南臨潁。郾城。東北長葛。西南襄城。潁河自開封府禹州東南流入界。經襄城縣潁橋鎮東。又經州西岡子鋪西。又東南經阮王店南。東流經臨潁縣西北。折而南。經縣西。又東經縣南。又東經黃連城南。入陳州府西華縣界。土壚河亦自禹州來。東南流經襄城縣東。臨潁縣西南。郾城縣西北。瑪瑙河出襄城縣東南。流注之。又東經縣北。又東北亦入西華縣界。汝河自汝州郟縣東流入界。經襄

城縣草店南。又東南經縣南汜水出縣西北境。經王洛鎮西東南流注之。又東南經茨溝鎮南折而南經霍郎鎮西湛河自南陽府葉縣來東南流注之。又南沙河亦自舞陽縣來會。又東南錯入舞陽縣界合輝河水。復經郛城縣西至縣南。澧河唐河並自舞陽縣來合東北流注之。又東至乾河口。支津東南出為洞油河。其正渠東北流亦曰沙河。經赤塚店西入陳州府西華縣界。淤泥河自汝甯府西平縣東流經郛城縣南入汝甯府上蔡縣界。石梁河自開封府禹州東

南流入界。經石固南。又東暖泉河亦自禹州東
南流來注之。又東南經州西。又經州南大石橋
右納湛澗水。又東右納五里河水。會艾城河。河
一曰澮河。自開封府新鄭縣東南流入界。經長
葛縣西。右納后河水。又經州治東北。又東南經
軒橋北。折而南。與石梁河會。石梁河又東入開
封府鄆陵縣界。州東至西北界。開封府西界。汝
州南界。汝甯府東南界。陳州府西南界。南陽府。

陝
州
圖

[illegible]



陝州在省治西六百八十里至

京師二千一百里。領縣三。靈寶閼鄉盧氏並西南。黃河自陝西潼關廳東流經閼鄉縣西北。其北為山西蒲州府永濟縣界。又東玉溪澗水出縣西南境。合文峪水北流經閼底鎮西注之。又東石姥峪水。一曰十二河。出縣西南石姥山北流注之。又東即水出縣西南棗香峪。亦曰棗香峪水。北流經盤豆鎮西注之。又東湖水出縣南大湖峪。東北流經縣治西。屈西北注之。又東經縣治北。其北為山西解州芮城縣界。又東為呂店


渡經靈寶縣西稠桑河出閿鄉縣東南今父山東北流經稠桑鎮來注之。又東至縣治西函谷關。恆農澗水一曰宏農河自縣西南朱陽鎮東北流合斷密澗霸底河水注之。又東至縣東北好陽河出縣東南峴山北流注之。又東右納菑水。又東經州西其北為山西解州平陸縣界。右納橋頭溝藏龍澗水。又東青龍澗水出州東南西北流合廣濟渠水注之。又東經州東北為萬金灘至會興鎮。又東至砥柱右納七里溝水。迤東北入河南府澠池縣界。洛河自陝西商州東


流入界經盧氏縣西左納木桶溝水迤東南右
納黑溝水洪澗水至縣東右納大石河水折東
北經金斗山東入河南府永甯縣界伊水出盧
氏縣東南閭頓嶺東流折東北經樂川鎮東入
河南府嵩縣界州東及東北界河南府西界陝
西潼關廳南及東南界南陽府北界山西解州
西南界陝西商州西北界山西蒲州府

光

州

圖





光州在省治南八百里至

京師二千四百里。領縣四。東固始。東南商城。西南光山。西北息縣。淮河自汝甯府羅山縣合竹竿河東流入界。經息縣南。光山縣北。歧為二支。北支至息縣東。清水港水自汝甯府正陽縣來東。南流注之。南支經州西北堡子口。寨河即古柴水。出光山縣西南雲台山。合吳陳河東北流。注之。又東至州北江興集。復合東北流。左納萬安河。及正陽縣之閤河水。又至鄭家店。受潢河。河自湖州黃州府麻城縣來。經光山縣南。黃土關。


西左右各合一小水。又北右納潑波河。左納陡山河及一小水。折東北至縣南右納小潢河水。又東北經州西南右納清水港水。貫州治東北流右納小閤河水。至鄭家店東注淮河。淮河又東北經固始縣西北息縣東北烏龍集南至兩河口。汝河自汝甯府新蔡縣東南流來會。其北為安徽潁州府界。折東南經固始縣北受白露河。河亦曰白鷺河。即古淠水。上游為雙輪河。出光山縣南守軍金泉二山。合北流經陰山關。西白雀園東。折東北經州東西至固始縣西。春河

即古詔虞水出商城縣西北北流至北廟北注之。又東北注淮河。淮河又東北經往流集北。又東至三河尖受史河。河上游曰決水。一曰牛山河。出商城縣南西牛山。北流折東。右合八仙台水。清白河。左合花園河。又東。右合佛南河水。又東。竹根河。合柳林河。諸水東北流注之。折東北左合麻河水。至固始縣東南。右納一小水。又東北。皂靴河。出商城縣東南望岡嶺。東流來注之。折西北。至縣東南石佛殿。右納段家井河。左納羊行河。又西北。石槽河。二源並出。商城縣東南。

大蘇山合北流至固始縣南合沙河為二道河
來注之。又北經縣治東而北。曲河上游為灌水
即古澮水。出商城縣南黃柏山。北流左右各合
數小水。又北合龍潭河鄭家河諸水。屈東北經
固始縣西南曰曲河。經陽關店西至縣北馬家
埠來會。又東北右納泉河水。又北注淮河。淮河
又東入安徽潁州府霍邱潁上二縣界。州東及
東北界安徽潁州府。西至北界汝甯府。南及西
南界湖北黃州府。東南界安徽六安州。

汝
州
圖

[illegible]



汝州在省治西南四百九十里。至

京師一千九百里。領縣四。東南寶豐。邾縣。魯山。西
伊陽。汝河自河南府嵩縣東北流入界。經伊陽
縣西南。至縣南馬蘭鎮北。右納馬藍河水。又經
州西陳寨南。又東南經州治南左。納洗耳河水。
又東南經邾縣西左。納青龍河水。至縣東南寺
村西。石河出寶豐縣西北三堆山。柏河二源亦
出縣西北。合東北注之。又東南吳趙河自開封
府禹州來東南流注之。又東南入許州襄城縣
界。沙河即湍水。出魯山縣西。沒大嶺。東流經女

靈山南合波水。鴉河自南陽府南召縣來北流注之。經縣治南。又東左納牛蘭水。彭水亦自南召縣來東北流注之。又東經寶豐縣東南。左納應水。又東入南陽府葉縣界。湛河出寶豐縣東南亦入葉縣界。伊河自嵩縣東北流經伊陽縣西北。右納永定河水入河南府洛陽縣界。州東及東北界開封府。西至北界河南府。南及西南界南陽府。東南界許州。